

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІҢ
Д Е П У Т А Т Ы



Д Е П У Т А Т
МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Астана, Парламент Мәжілісі
20 __ жылғы «__» _____
№ _____

010000, Астана, Мажилис Парламента
«__» _____ 20 __ года

2023 жылғы 4 қазанда жарияланды

Қазақстан Республикасының
Премьер-Министрі
Ә. Смайыловқа

Депутаттық сауал

Құрметті Әлихан Асханұлы!

Өткенде ғана, «AMANAT» партиясы қасиетті домбырамыз бен қастерлі ұлттық құндылықтарымызды жат ағымдардың қорлауына жол бермейтінімізді айттық.

Біз Парламенттегі ең ірі Фракция ретінде де, ұлтты бөлетін, арамызға жік салатын теріс әрекеттерді де жөнге сала алатынымыз анық. Елді бөлшектеуге жол жоқ.

Дүрбелеңі көп, бүгінгі аласапыран қоғамда ұлттық асыл мұраларымыз – салт-дәстүрлерімізге деген шабуыл көбеюде.

Әсіресе, жастарды соқыр фанатизмге, радикализмге итермелейтін жат ағымдар, әлеуметтік желіде сананы улайтын теріс уағыздар, тынысымызды тарылтып, алқымнан алып барады. Бұл ұлттық мұратымызға, тұтастығымызға төнген қауіп!

Қасиетті домбырамыздан бастап, тұсау кесу, беташар мен сәлем салу сияқты дәстүріміздің барлығын «харам» деп ата жолынан адастыруға тырысып, тамырымызға балта шабуда. Тіпті, ұлыстың ұлы күні саналатын «Наурыз» мейрамын да қаралаушылар баршылық.

Қара жамылып, паранжамен бетін тұмшалап алған қаршадай қыздарымызды, сақалының ұшына қайшы тигізбей жалбыратып, балағын кесіп шолтитып, екі көзі қанталап келе жатқан ұлдарымызды көргенде қабырғаң қайысып, көңілің құлазиды.

Радикалды ағымның кесірінен Сирияға кетіп, қыршынынан қиылған ұлдардың тағдыры, содырлардың қолжаулығына айналып, апта сайын талақ болып абыройынан айырылған қазақ қыздарының өкінішке толы адасқан өмірі қоғамға сабақ болуы тиіс еді.

Бірақ, бүгінгі ахуал өткеннің қателігінен сабақ алмағанымызды көрсетеді. Атаның батасын, әкенің ақылын, ананың өнегесін бойына сіңіре білген сенімі берік намысшыл халық едік, жат ағымдарға көндігіп, уағызшыл болып барамыз. Бірігуге емес бөлінуге, өнегеге емес, өсекке өңешімізді созамыз. Өзіміздің асылымыздан жеріп, өзгенің жасығына үйірміз.

Танымымыз тарылып, нанымымыз лайланып, қоғамның түсінігі қырыққа бөлінуде.

Жүзін тұмшалап, бетін бүркеп, қара матаға сүрінгендер мен етегін ашып, абыройын шашып, тәнін сатып тағдыры бүлінген қыз тәрбиесін қалай түзейміз?

Салт-дәстүрін талақ етіп, ұлттың ұлы болуға емес, жат ағымның құлы болуға мойын ұсынған, ағайыннан ақиларын артық көрген ұл тәрбиесінің бүлінуін қалай жөнге саламыз?

Меніңше, төл мәдениетімізге, ұлттық тәрбиемізге мән беріп, жат ағымдардың шабуылына тыйым салғанда ғана өнегелі ұрпақ тәрбиелей аламыз. Ұл-қыздарымызды теріс уағызбен емес, ұлттық тәрбие арқылы жөнге сала аламыз. Ол үшін мемлекеттік деңгейде ұлттық идея қолға алынуы керек.

Мемлекет діннен бөлекпіз деп, жат-ағымдардың тайрандауына жол берілді. Ұлттық құндылықтарымызға, салт-дәстүрімізге шабуылдаушы күштерге «әй» дейтін әже, «қой» дейтін қожа болмады.

Өкінішке қарай, етек-жеңімізді жинап, есімізді жия алмай келеміз.

Меніңше, біздің мемлекет ретінде араласып, жөнге салатын уақытымыз әлдеқашан келді. Үкімет осыны ойлап нақты қадамдар жасау тиіс.

Сөзімнің түйіні!

Халықты аздыратын осындай шабуылдарға тоқтау, заңмен тыйым салмасак болмайды.

Салт-дәстүрімізбен, төл мәдениетімізбен үйлесім тапқан дәстүрлі дінімізді жат ағымдармен бұзып алмайық!

ОЙЛАНАЙЫҚ АҒАЙЫН!

Жауапты заңнамада белгіленген мерзімде жазбаша ұсынуыңызды сұраймын.

Құрметпен,

«АМАНАТ»

**партиясы фракциясының мүшелері,
депутаттар**

**А. Әлтай
Е. Бейсенбаев
П. Казанцев
Е. Саиров
Ж.Сүлейменова
К. Авершин
Т. Адамбеков
А. Аймағамбетов
Ж. Амантай**

**Е. Әбдиев
М. Әбенов
Е. Әбіл
Қ. Әлішев
Н. Әшімбетов
Ж. Әшімжанов
Қ. Балабиев
М. Башимов
Б. Бейсенғалиев
Қ. Бексұлтанов
Н. Дементьева
М. Ергешбаев
М. Ескендіров
М. Жайымбетов
Е. Жаңбыршин
Ә. Жұбанов
Р. Зайытов
С. Имашева
Д. Исабеков
Б. Керімбек
Д. Колода
Ю. Кучинская
А. Қалықов
Р. Қожасбаев
А. Құспан
Т. Қырықбаев
Е. Мәмбетов
С. Мусабаев
А. Мысырәлімова
Б. Нажметдинұлы
Г. Нұрымова
С. Пономарев
А. Рау
М. Рожин
Н. Сабильянов
Т. Савельева
А. Сарым
Е. Сатыбалдин
Ұ. Сәдібеков
Н. Сәрсенғалиев
Б. Смағұлов
Е. Смышляева
М. Тәкиев
М. Толықбаев**

**Ұ. Тұмашинов
Д. Тұрғанов
Д. Тұрлыханов
Ү. Шапақ
Н. Шаталов
Б. Ізмұхамбетов**

**«АУЫЛ»
партиясы фракциясының мүшелері,
депутаттар**

А. Зейнуллин

**Жалпыұлттық социал-демократиялық партиясының
фракциясының мүшесі,
депутат**

Н. Әуесбаев

**Қазақстан Халық партиясының
фракциясының мүшесі,
депутат**

Г. Танашева

**«Respublica»
партиясы фракциясының мүшесі,
депутат**

Н. Тау

**Жеке мандатты округ бойынша
депутаттар**

**Д. Мұқаев
А. Құспан
Е. Бапи**